




KOMORA MAGISTARA FARMACIJE FEDERACIJE BOSNE I HERCEGOVINE

Poštovani,

Obraćamo Vam se ispred Komore magistara farmacije Federacije Bosne i Hercegovine sa zahtjevom da stavite van snage donešenu Odluku o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode (Službene novine FBiH, broj 26/21). Želimo da Vam skrenemo pažnju da će navedena odluka imati izrazito negativne reperkusije na poslovanje apoteka na teritoriju Federacije Bosne i Hercegovine koje će dovesti do neodrživog poslovanja istih.

Navedeno temeljimo u činjenici da je apotekarska djelatnost jedna od rijetkih koja već ima zakonski ograničenu maksimalno dozvoljenu maržu na lijekove koja je predmet kontrole od strane nadležnih organa i koje se pridržavaju sve apoteke na teritoriju Federacije Bosne i Hercegovine. Zbog konkurentnosti na tržištu većina apoteka posluje u domenu ispod maksimalno zakonski dozvoljene marže i svoje poslovanje temelji na plasmanu drugih proizvoda i usluga koje je dozvoljeno obavljati unutar apotekarske djelatnosti. Gore navedenom odlukom uveliko se generalizuje ograničenje maksimalno dozvoljene marže na sve ostale artikle kojima prometuju apoteke, a prije svega ovdje govorimo o dodatcima prehrani, dijetetskim proizvodima, hrana za posebne medicinske potrebe, pelene za jednokratnu upotrebu za djecu i odrasle, higijenski ulošci i pasta za zube. Ukoliko navedenom odlukom odredite maksimalno dozvoljenu maržu od 8% na navedene artikle apoteke će se naći u velikim finansijskim problemima koji će dovesti do nesagledivih posljedica. Moramo naglasiti da apoteke u svojoj ponudi, osim lijekova, imaju samo gore navedene proizvode, te navedenom odlukom neće moći nadomjestiti potreban prihod kako bi podmirile osnovne obaveze poslovanja. Navedenom odlukom tako su obuhvaćeni skoro svi proizvodi na kojima apoteke održavaju svoje poslovanje. Dio prihoda apoteke ostvaruju kroz ugovore o prometovanju lijekova sa liste lijekova Zavoda zdravstvenog osiguranja za što ostvaruju prihod za uslugu koja je od kantona do kantona u rasponu od 1.00 KM do 1.90 KM čime nije moguće pokriti troškove koji se proizvode, a za sve lijekove koje apoteke izdaju po programu Zavoda zdravstvenog osiguranja nemaju apsolutno nikakvu maržu.

A: Tuzlanska bb (Lamela B, niz IV) . **T/F:** +387 33 207 384; 209-832
W: www.farmaceutskakomora.ba . **E:** farmaceutskakomora@bih.net.ba



KOMORA MAGISTARA FARMACIJE FEDERACIJE BOSNE I HERCEGOVINE

Moramo naglasiti da su uposlenici u apotekama od prvog dana pandemije najdostupniji zdravstveni radnici koji su svoju uslugu davali bez prestanka rizikujući time svoje zdravlje kao zdravlje svojih porodica. Trenutno na teritoriju Federacije Bosne i Hercegovine djeluje više od 800 apoteka u kojima je radi oko 10000 uposlenika među kojima su prije svega magistri farmacije i farmaceutske tehničari kao i veliki broj administrativnih radnika, radnika koji su uposleni na održavanju prostorija isl. Molimo vas da svojim pristupom i ozbiljnim svatanjem ovog dopisa ispravite grešku gdje se magistri farmacije i farmaceutske tehničari nerijetko ne smatraju zdravstvenim radnicima. Naglašavamo da prema Zakonu o zdravstvenoj zaštiti FBiH (Službene novine FBiH, broj 46/10) zdravstveni radnici su lica koja imaju obrazovanje zdravstvenog usmjerenja i neposredno u vidu zanimanja pružaju zdravstvenu zaštitu stanovništvu, uz obavezno poštovanje moralnih i etičkih načela zdravstvene struke. Zdravstveni radnici obrazuju se na medicinskom, stomatološkom, farmaceutskom ili farmaceutskobiohemijskom fakultetu, fakultetu zdravstvenih studija i srednjim školama zdravstvenog usmjerenja.

Punu podršku dajemo Privrednoj komori i Udruženju poslodavaca Federacije Bosne i Hercegovine i u nadi da nećemo biti primorani pribjegavati drastičnijim mjerama u branjenju naše struke i naših prava zahtjevamo da Odluku stavite van snage.

KOMORA MAGISTARA FARMACIJE FEDERACIJE BIH
KANTONALNE FARMACEUTSKE KOMORE

